

Լ Ե Ռ Ն Ա Յ Ի Ն Ղ Ա Ր Ա Բ Ա Ղ Ի Հ Ա Ն Ր Ա Պ Ե Տ Ո Ւ Թ Յ Ա Ն Կ Ա Ռ Ա Վ Ա Ր Ո Ւ Թ Յ Ո Ւ Ն

Ո Ր Ո Շ Ո Ւ Մ

«___» _____ 2015թ.

N ____-Ն

ք.Ստեփանակերտ

ԱՇՆԱՆԱՑ ԱՆ ԵՎ ԳԱՐՆԱՆԱՑ ԱՆ ՄՇԱԿԱԲՈՒՅ ՍԵՐԻ ՍԵՐՄԱՑ ՈՒԻ ԱՐԺԵՔԻ ՄԱՍՆԱԿԻ ՍՈՒԲՄԻԴԱՎՈՐՄԱՆ ԿԱՐԳԸ ՀԱՍՏԱՏԵԼ ՈՒ ՄԱՍԻՆ

«Իրավական ակտերի մասին» Լեռնայի Ղարաբաղի Հանրապետության օրենքի 13-րդ հոդվածին համապատասխան՝ Լեռնայի Ղարաբաղի Հանրապետության կառավարությունը **որոշում է**.

1. Հաստատել աշնանացան և գարնանացան մշակաբույսերի սերմացուի արժեքի մասնակի սուբսիդավորման կարգը՝ համաձայն հավելվածի:
2. Լեռնայի Ղարաբաղի Հանրապետության գյուղատնտեսության նախարարին՝ սույն որոշումն ուժի մեջ մտնելուց հետո տասնօրյա ժամկետում հաստատել սուբսիդավորման ենթակա աշնանացան և գարնանացան մշակաբույսերի սերմացուի տեսակները և դրանց սուբսիդավորման չափերը:
3. Լեռնայի Ղարաբաղի Հանրապետության գյուղատնտեսության նախարարությունը՝ տնտեսական տարին ավարտելուց հետո՝ մեկամսյա ժամկետում Լեռնայի Ղարաբաղի Հանրապետության կառավարությունն ենթակայացնել հաշվետվություն՝ կատարած աշխատանքներին և իրականացրած միջոցառումներին մասին:
4. Սույն որոշումն ուժի է մտնում պաշտոնական հրապարակման օրվան հաջորդող տասներորդ օրը:

Լ Ե Ռ Ն Ա Յ Ի Ն Ղ Ա Ր Ա Բ Ա Ղ Ի
Հ Ա Ն Ր Ա Պ Ե Տ Ո Ւ Թ Յ Ա Ն Վ Ա Ր Չ Ա Պ Ե Տ

Ա. Հ Ա Ր Ո Ւ Թ Յ Ո Ւ Ն Յ Ա Ն

ԿԱՐԳ
ԱՇՆԱՆԱՑԱՆ ԵՎ ԳԱՐՆԱՆԱՑԱՆ ՄՇԱԿԱԲՈՒՅ ՍԵՐԻ ՍԵՐՄԱՑՈՒԻ
ԱՐԺԵՔԻ ՄԱՍՆԱԿԻ ՍՈՒԲՍԻԴԱՎՈՐՄԱՆ

I. ԸՆԴՀԱՆՈՒՐ ԴՐՈՒՅԹՆԵՐ

1. Սույն կարգով կանոնակարգվում են աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված միջոցառումների իրականացման հետ կապված հարաբերությունները:

2. Սույն կարգի իմաստով օգտագործվող հիմնական հասկացություններն են՝

1) **աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված միջոցառումներ (այսուհետ՝ միջոցառումներ)**՝ աշնանացան և գարնանացան մշակաբույսերի սերմացուի արժեքի մասնակի սուբսիդավորմանն ուղղված աշխատանքների իրականացում:

2) **աշնանացան և գարնանացան մշակաբույսերի սերմացուի սուբսիդավորում**՝ աշնանացան և գարնանացան մշակաբույսերի սերմացուի արժեքի մասնակի փոխհատուցում:

3) **միջոցառումների մասնակից**՝ միջոցառումների իրականացման գործընթացում ներգրավված պետական և տարածքային կառավարման մարմինները:

II. ՄԻՋՈՑ ԱՌՈՒՄՆԵՐԻ ԻՐԱԿԱՆԱՑՄԱՆ
ԳՈՐԾԸՆԹԱՑԻ ԿԱԶՄԱԿԵՐՊՈՒՄԸ

3. Միջոցառումների իրականացման գործընթացում Լեռնայի Ղարաբաղի Հանրապետության գյուղատնտեսության նախարարությանը (այսուհետ՝ նախարարությանը) համակարգում և վերահսկողություն է իրականացնում միջոցառումների իրականացման գործընթացին կատմամբ:

4. Միջոցառումների իրականացման գործընթացում ներգրավված տարածքային կառավարման մարմինները՝ Լեռնայի Ղարաբաղի Հանրապետության շրջանների վարչակազմերը՝ յուրաքանչյուր տարվա համար, նախարարության սահմանած ժամկետներում, նախարարությանն են ներկայացնում աշնանացան և գարնանացան մշակաբույսերի սերմացուի պահանջարկի մասին տեղեկություններ՝ նշելով համայնքը (կամ պետական պահուստային ֆոնդի հոդերը), ցանվող տարածքի մակերեսը և անհրաժեշտ սերմացուի քանակը:

5. Մասնակի սուբսիդավորման ենթակա է տրամադրվող, օրենքով սահմանված կարգով հավասարաբաշխված աշնանացան և գարնանացան

մշակաբույսերի սերմացուի արժեքի մինչև 50 տոկոսը: Արժեքի մնացած մասը հողօգտագործողների կողմից վճարվում է կանխիկ, սերմացուի ձեռք բերման պահին:

6. Նախարարությունը, սույն կարգի 4-րդ կետում նշված տեղեկությունները ստանալուց հետո հնգօրյա ժամկետում, ընդհանրացնում է ստացված տեղեկատվությունը և դրա հիման վրա Լեռնայի Ղարաբաղի Հանրապետության ֆինանսների և էկոնոմիկայի նախարարություն ներկայացնում համապատասխան հայտ:

7. Լեռնայի Ղարաբաղի Հանրապետության ֆինանսների և էկոնոմիկայի նախարարությունը՝ սույն կարգի 6-րդ կետում նշված հայտը ստանալուց հետո Լեռնայի Ղարաբաղի Հանրապետության յուրաքանչյուր տարվա պետական բյուջեով պարտանյութերի, սերմերի, դիզվածեղիքի և ազնվացեղ խոշոր եղջերավոր անասունների արժեքի մասնակի սուբսիդավորում գյուղատնտեսական միջոցառումների իրականացման ծրագրով նախատեսված միջոցներից հատկացնում է համապատասխան ֆինանսական միջոցներ:

III. ՄԻՋՈՑ ԱՌՈՒՄՆԵՐԻ ԻՐԱԿԱՆՍՑՈՒՄԻՑ ԱԿՆԿԱԼ ՎՈՂ ԱՐԴՑ ՈՒՆՔՆԵՐԸ

10. Միջոցառումների իրականացումից ակնկալվող արդյունքներն են՝

- 1) տեղական աշնանացան հացահատիկային մշակաբույսերի արտադրություն ծավալների ավելացման համար նախադրյալների ստեղծում.
- 2) համալիր միջոցառումների արդյունքում երկրի ագրոպարենային համակարգում համեմատաբար կայուն իրավիճակի ձևավորում.
- 3) ընդհանուր ցանքատարածքներում գարնանացան մշակաբույսերի տարածքների ավելացում և ցանքաշրջանառության կիրառում.
- 4) ցանքատարածությունների ընդլայնման, բարձրարժեք սերտերի օգտագործման և ագրոտեխնիկական միջոցառումների բարելավման արդյունքում աշնանացան և գարնանացան մշակաբույսերի արտադրություն ծավալների ավելացում:

ԼԵՌՆԱՅԻՆ ՂԱՐԱԲԱՂԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏ ԱԿՍԶՄԻ
ՂԵԿԱՎԱՐ

Լ. ԳՐԻԳՈՐՅԱՆ